

PEMBERITAHUAN PERTANYAAN BUKAN JAWAB LISAN
DEWAN RAKYAT

PERTANYAAN : BUKAN JAWAB LISAN

DARIPADA : TUAN CHA KEE CHIN [RASAH]

SOALAN : 106

Tuan Cha Kee Chin [Rasah] minta **MENTERI DALAM NEGERI menyatakan** jumlah permohonan untuk mendapat kewarganegaraan daripada pemohon yang bermastautin di Negeri Sembilan yang telah diterima oleh Kementerian Dalam Negeri sejak 10 Mei 2018, mengikut kategori berikut: warga emas kelahiran tempatan, warga emas kelahiran asing, anak angkat yang sah, anak kandung yang bapanya adalah warganegara dan pasangan pada warganegara.

JAWAPAN

Tuan Yang di-Pertua,

Berdasarkan rekod Jabatan Pendaftaran Negara (JPN) dari 10 Mei 2018 hingga 15 Februari 2019, sebanyak 262 permohonan kewarganegaraan telah diterima dari pemohon yang didaftarkan di Negeri Sembilan. Perincian mengenai permohonan mengikut kategori di bawah Perlembagaan Persekutuan adalah seperti berikut:-

- a) Perkara 16, Perlembagaan Persekutuan bagi warga emas kelahiran tempatan: 36 permohonan;
- b) Perkara 19, Perlembagaan Persekutuan bagi warga emas kelahiran asing: 59 permohonan;
- c) Perkara 15(2) dan Perkara 15A, Perlembagaan Persekutuan bagi anak angkat yang sah dan anak tidak sah taraf yang bapanya berstatus warganegara: 108 permohonan; dan
- d) Perkara 15(1), Perlembagaan Persekutuan bagi isteri kepada warganegara: 59 permohonan.